



Халқ сўзи

Ўзбекистон — келажаги буюк давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2019 йил 23 январь, № 15 (7245)

Чоршанба

Сайтимизга ўтиш учун QR-коднинг телефонингиз орқали сканер қилинг.



ЎЗАРО МАНФААТЛИ ШЕРИКЛИККА АСОСЛАНГАН ҲАМКОРЛИКНИНГ ЯНГИ БОСҚИЧИ

Аввал хабар қилинганидек, Ўзбекистон Республикаси Президенти Шавкат Мирзиёев Германия Федератив Республикаси Федерал канцлери Ангела Меркелнинг таклифига биноан 2019 йил 20 январь куни расмий ташриф билан ушбу мамлакатга келди.



Ташрифнинг асосий тадбирлари 21 январь куни Берлин шаҳрида бўлиб ўтди. Ўзбекистон Республикаси Президенти Шавкат Мирзиёев Германия Федератив Республикаси Президенти Франк-Вальтер Штайнмайер, Федерал канцлер Ангела Меркель ҳамда Бундестаг Раиси Вольфганг Шойбле билан музокаралар ўтказди.

Ташрифнинг иккинчи куни Ўзбекистон Президенти Шавкат Мирзиёев Мюнхен шаҳрида Бавария федерал ўлкаси Бош вазири Маркус Зёдер билан учрашди.

Давлатимиз раҳбари фахрий меҳмонлар китобига дастхат қўйди.

Германиянинг жануби-шарқидида жойлашган Баварияда 12,9 миллион аҳоли яшайди. Ушбу ўлка мамлакатнинг майдони бўйича энг йирик ва аҳоли сони бўйича иккинчи субъектидир.

Бавария Германиянинг иқтисодий жиҳатдан энг ривожланган ҳудудларидан бири бўлиб, унинг ялпи ҳудудий маҳсулотиди ҳажми 600 миллиард еврога яқин.

Бу Европа Иттифоқига аъзо аксарият давлатлар ЯИМидан кўп. Германияда ишлаб чиқарилаётган авиа

ва аэрокосмик техниканинг қарийб ярми, тўқимачилик маҳсулотларининг 43, электроника товарларининг 27, машина-насослик соҳасининг 18, металлургия маҳсулотларининг 12 фоизи ушбу федерал ўлка ҳиссасига тўғри келади.

Учрашув аввалида Ўзбекистон Президенти Маркус Зёдерни Германия Христиан-социал иттифоқи партияси раиси этиб сайлангани билан табриклаб, унинг ушбу мартабадаги фаолияти икки томонлама ҳамкорликни янада ривожлантиришга кўмаклашишига ишонч билдирди.

Икки томонлама ҳамкорликни янада ривожлантириш истиқболларига оид масалалар муҳокама қилинди. Шунингдек, савдо-иқтисодий ҳамкорлик масалалари бўйича ҳам фикр алмашилди.

Президентимиз Федерал Президент Франк-Вальтер Штайнмайер, Федерал канцлер Ангела Меркель ва Бундестаг Раиси Вольфганг Шойбле билан музокаралар давомида ўзаро англашувга эришилгани ва ҳамкорлик лойиҳалари қўллаб-қувватланганини таъкидлади.

Бавария Бош вазири Маркус Зёдер Президент Шавкат Мирзиёевнинг Мюнхенга ташрифидан мамнун эканини билдириб, Германия билан Ўзбекистон ўртасида имзоланган ҳужжатлар икки мамлакат манфаатларига хизмат қилиши, савдо-иқтисодий соҳадаги самарали ҳамкорлик ўзаро муносабатларнинг устувор йўналишларидан бири бўлишини қайд этди.

Мамлакатимизнинг Бавария билан муносабатлари узоқ тарихга эга. Тарихчи И. Шильдбергернинг Амир Темур ҳузурида бўлгани тўғрисидаги ёзма хотиралари халқларимиз ўртасидаги тарихий алоқалар тилга олинган илк ҳужжатли манбалардан биридир.

Томонлар савдо-иқтисодий ва инвестициявий ҳамкорликни мустаҳкамлаш, Ўзбекистон иқтисодиётининг турли тармоқларига илғор немис технологияларини янада кенг жорий этишдан манфаатдор эканини таъкидлади.

Маданий-гуманитар алоқалар, олий таълим, соғлиқни сақлаш ва спорт соҳасидаги ҳамкорликни кенгайтириш масалаларига алоҳида эътибор қаратилди.

Учрашувда Германия компаниялари билан Ўзбекистонда юқори технологияли корхоналар очиш, транспорт-логистика ва туризм инфратузилмасини модернизация қилиш, савдо-сотиқ ва қўшма лойиҳаларни биргаликда молиялаштириш бўйича амалий ҳамкорликни кенгайтириш истиқболлари муҳокама қилинди.

Бавария Бош вазири Президент Шавкат Мирзиёевга Германия ишбилармон доираларининг Ўзбекистондаги лойиҳалари ва таклифларига кўрсатилган ҳар томонлама кўмак учун самимий миннатдорлик билдирди. Ўзбекистон билан кенг қўламли ва ўзаро манфаатли бизнес шерикликдан гоёта манфаатдор эканини қайд этди.

Давлатимиз раҳбари Бавария Бош вазирига «Ўзбекистоннинг маданий мероси Германия коллекцияларида» китоб-альбомини совға қилди.

Абу Бакр ҲАМИДОВ, ЎзА махсус мухбири. Мюнхен

Ўзбекистон Республикаси Президенти Матбуот хизмати суратлари.

Эътироф

Ангела МЕРКЕЛЬ: «Германия Ўзбекистоннинг ишончли шериги бўлишни истайди»

Ўзбекистон Республикаси Президенти Шавкат Мирзиёевнинг ташрифи узоқ танаффусдан сўнг муҳим аҳамият касб этади. Хозирги кунда Ўзбекистонда кўп жабҳаларда олдинга силжиш бошланди. Президент мамлакат тараққиётига туртки берди.



Бугун республикада кенг қўламли сиёсий ислохотлар амалга ошириляпти, инсон ҳуқуқлари соҳасида, шунингдек, қўшни давлатлар билан муносабатларда ўсишга эришилди. Германия Ўзбекистонни, хусусан, фуқаролик жамиятини ривожлантиришда ҳам ушбу йўлни давом эттиришга қақришини истаган бўларди.

Ўзбекистонда Афғонистон билан ҳам қўшничилик мавжуд. Германия ўз харбийларини Афғонистонга етказиб қўйиш учун Ўзбекистон ҳудудидан фойдаланмоқда ва бунинг учун жуда миннатдордир.

Мамлакатларимиз турли нуқтаи назарларга эга бўлишидан қатъи назар, ҳамиша ишончли шерик бўлиб келган. Айни пайтда биз бугун Афғонистонда қилинадиган ишлар кўп эканлигини тушунашим.

Мазкур жараён осон эмаслигини биламиз. Германия Ўзбекистоннинг ишончли шериги бўлишни истайди. Биз ҳамкорлигимизни тараққиёт мақсадида яна кенгайтирдик. Икки томонлама савдода сезиларли ўсиш суръатлари мавжуд. Президент ташрифи муносабати билан Ўзбекистон турли битимлар бўйича таклифлар киритди. Уларнинг айримлари имзоланиб бўлинди, бошқалари бўйича эса музокаралар олиб бориш зарур. Бироқ ушбу жараён Ўзбекистон Президенти ташрифидан сўнг ҳам ижобий давом этирилишига ваъда бераман.

Германиялик фуқароларга Ўзбекистонга қисқа муддатли саёҳат қилишлари учун визасиз тартиб жорий этилгани икки томонлама муносабатларда муҳим воқеага айланди. Уйлайманки, бу туризмни ривожлантириш

учун ажойиб қадамдир. Ва албатта, кимки Ўзбекистон гўзаллиги ҳақида қанчалик тасаввурга эга бўлса, демак, бу уни шу даражада саргузаштлар сари чорлашга ундайди. Маданий ҳамкорлик ҳақида сўз юритганда, Германия ва Ўзбекистон уни, айниқса, илм-фан соҳасида мустаҳкамлаши мумкин.

Ўзбекистонда Афғонистон билан ҳам қўшничилик мавжуд. Германия ўз харбийларини Афғонистонга етказиб қўйиш учун Ўзбекистон ҳудудидан фойдаланмоқда ва бунинг учун жуда миннатдордир. Мамлакатларимиз турли нуқтаи назарларга эга бўлишидан қатъи назар, ҳамиша ишончли шерик бўлиб келган. Айни пайтда биз бугун Афғонистонда қилинадиган ишлар кўп эканлигини тушунашим. Мана, нима учун биз Афғонистон фуқаролик тузилмаларига ёрдам беришда Ўзбекистон ва Германия биргаликда иш олиб борадиган лойиҳаларни тасаввур қила оламиз.

(Германия Федерал канцлери Ангела Меркелнинг Ўзбекистон Республикаси Президенти Шавкат Мирзиёевнинг Германияга расмий ташрифи чоғида оммавий ахборот воситалари учун брифингдаги нутқидан. 2019 йил 21 январь, Берлин).

ДУНЁ НИГОҶИ

«ЎЗБЕКИСТОН ЎЗИНИ ҚАЙТА КАШФ ЭТАПТИ»

Ўзбекистон Республикаси Президенти Шавкат Мирзиёевнинг Германияга расмий ташрифи дунё оммавий ахборот воситаларида кенг ва атрафлича ёритилмоқда. Хусусан, биргина Германиянинг ўзида ўнлаб газеталар шу мавзуда қатор таҳлилий мақолалар, интервьюлар берган бўлса, радио ва телеканалларда репортаж ҳамда эфирда эфирга узатилди.



Катта аудиторияга эга «Deutsche Welle» телерадиоканали Ўзбекистон раҳбарининг Президент Франк-Вальтер Штайнмайер ҳамда Федерал канцлер Ангела Меркель билан ўтказган музокараларига атрафлича тўхтади.

Кайд этилишича, Ўзбекистон раҳбари сўнги 18 йил ичида илк бор Германияга ташриф бурди. Ўз навбатида, расмий Берлин бугунги кунда мамлакатда амалга ошириляётган ислохотларни юқори баҳолайди.

«Шавкат Мирзиёев 2016 йил Президент сифатида фаолият бошлаганидан сўнг Марказий Осиё минтақасида демократия ва плюрализмнинг илк шакллари сезила бошланди, — деб таъкидлайди немис телерадиоканали. — Бу Ўзбекистон раҳбарияти юритаятган сиёсат натижасидир. Канцлер Ангела Меркель мамлакатга инвестицияларни жалб этиш бўйича

олиб бориляётган ишларга хайрихоҳ. Қолаверса, Германия Марказий Осиёдаги янгилашлар жараёнини қўллаб-қувватлаган ҳолда яқин вақт ичида сезиларли ўсиш суръатларига ҳамда Ўзбекистон билан ҳам савдо ҳамжи-нинг ортишига ишонади».

Меркель ва Мирзиёев савдо ҳамда инвестиция мавзусидан ташқари бошқа муҳим масалаларда ҳам фикр алмашди. Жумладан, Ўзбекистонда давлат бошқарувида шаффофликни таъминлаш, коррупцияга бутунлай барҳам бериш борасида қилинаётган ишлар ҳақида айтиб ўтилган. Иккала томон иқтисодий, технология ва маданият соҳасида ҳамкорликни кенгайтиришни истайди. Шунингдек, таълим ва илм-фанда ҳам янада яқин муносабатларни ўрнатмоқчи, дея қайд этади журналистлар.

Эҳтиром

МИЛЛИЙ МАҚОМ САНЪАТИ ФИДОЙИСИГА ПРЕЗИДЕНТ СОВҒАСИ — ЯНГИ ХОНАДОН КАЛИТИ ТОПШИРИЛДИ

Ўзбекистон Республикасида хизмат кўрсатган маданият ходими, «Эл-юрт хурмати» ва «Фидокорона хизматлари учун» ордени раи соҳиби, миллий мақом санъатининг чин маънодаги жонқуяри Элмурод Боймуродовга 70 ёшлик юбилеи муносабати билан Ўзбекистон Республикаси Президенти совғаси — янги хонадон калити топширилди.

Шаҳрисабз шаҳрида ўтказилган ушбу тадбирда устоз санъаткорнинг яқинлари, дўстлари, ҳамкасблари, шоғирдлари, маданият ва санъат намоёндалари, мутасадди вазирилик ҳамда ҳокимлик вакиллари қатнашди.

Туғилган кун чинакам байрамга айланган кетди. Халқимизнинг бебаҳо маданий мероси — мумтоз куй-қўшиқлар янграб, йиғилганлар кайфиятини янада кўтарди.

— Мен ҳали туғилган кунимни бундай миқёсда нишонламаган эдим, — дейди Э. Боймуродов. — Қайноқ кутловлардан ва энг муҳими, Ватан ичра кичик Ватан — муқаддас ошёнга эга бўлганимдан гоёта хурсандман. Бутун умр санъат

ичида яшадим. Ёшларга мақомнинг ҳақиқий жозибасини англаштиришга, уларни ушбу беназир санъатнинг сеҳри, сирли оламига олиб киришга интилдим. Бугунги кунда шоғирдларимнинг кўпчилиги ўз санъати билан халқимизнинг эътирофига сазовор бўлиб келмоқда. Улар орасида Ўзбекистон халқ артисти Марям Сатторова, Ўзбекистон халқ ҳофизси Ҳасан Аҳмедов, «Шарқ тароналари» миллий мусика фестивали лауреати Насиба Сатторова ва бошқалар бор. Давлатимиз раҳбарининг менга кўрсатган ғамжўрлиги миллий мақом санъати ривожига бераётган яна бир эътибори ифодасидир.

Ўзбекистон — Германия: АЛОҚАЛАР ТОБОРА КЕНГАЙМОҚДА

2018 йилда икки давлат ўртасидаги товар айирбошлаш ҳажми **700 миллион евродан ошган.**

Ўзбекистонда германиялик инвесторлар иштирокида **132 та фирма ва компания** фаолият юритмоқда.

Бу кўрсаткични **1 миллиард еврога** етказиш учун барча имконият бор.

Шундан **33 та**си юз фоиз немис капитали асосида тузилган.

Ўзбекистонда Германия фуқаролари учун **30 кунгача визасиз** режим жорий этилган.

ЮРТИМИЗНИНГ ЭНГ ЯХШИ ИШ БЕРУВЧИСИ

Шундай эътирофга сазовор бўлган корхонани биласизми?

Европанинг энг ривожланган давлатларидан бири саналган Германия билан алоқаларимиз тобора мустаҳкамланиб борапти. Бунда мазкур мамлакатнинг жаҳонга машҳур «Кнауф» компаниялар гуруҳининг ҳам алоҳида ўрни бор, албатта. Юртимизда унинг қуруқ қурилиш аралашмалари тайёрловчи «Бухорогипс» ҳамда гипсокартон ишлаб

чиқаришга ихтисослаштирилган «Кнауф гипс Бухоро» корхоналари фаолият кўрсатмоқда. Ўзбекистондаги салкам 20 йиллик фаолияти давомида халқаро ҳамкорнинг ушбу икки корхонага киритган инвестициялари ҳажми 75 миллион АҚШ долларини ташкил этди.



«ЎЗБЕКИСТОН ЎЗИНИ ҚАЙТА КАШФ ЭТАПТИ»



Нуфузли нашрлардан бири — "Süddeutsche Zeitung" газетасида юртимиздаги ислохотларни юқори баҳолаб, таҳлилий мақола чоп этил-

муносабатларни йўлга қўяётганини қўллаб-қувватлади". Журналистларнинг фикрича, Европа Иттифоқида иқтисодий жиҳатдан энг кудратли саналган Германия Марказий Осиё мамлакатла-

Süddeutsche Zeitung

ди. "Январь ойдан немис фуқароларига Ўзбекистонга визасиз кириш имконияти тақдим этилди. Ўзбекистон ўзгармоқда, очилмоқда", дея ёздади муҳбирлар.

ри учун муҳим аҳамиятга эга. У расмий Тошкентнинг ислохотлар жараёнини савдо ва инвестиция орқали қўллаб-қувватлашдан манфаатдор.

"Расмий Берлин Ўзбекистон Президенти ташрифига алоҳида тайёргарлик кўрди. Шавкат Мирзиёев Президент Франк-Вальтер Штайнмайер, канцлер Ангела Меркель, Бундестаг Раиси Вольфганг Шойбле билан музокаралар ўтказди. Германия канцлери Ўзбекистондаги сиёсий ислохотлар жараёнини эътироф этиб, икки мамлакат бизнес, технология ва маданият соҳасида яқин

Кейинги икки йилда Ўзбекистонда сиёсий мажбусларнинг "қора рўйхат"дан чиқарилгани, Марказий Осиёдаги қўшни давлатлар билан чегаралар борасида масалалар ҳал этилгани, ҳуқуқни муҳофаза қилувчи идораларда туб ўзгаришлар рўй бергани, хорижий валюта эркин конвертация қилиш йўлга қўйилгани айнан Президент ташаббуслари билан боғлиқ, дейди нашр муҳбирлари.

ЮРТИМИЗНИНГ ЭНГ ЯХШИ ИШ БЕРУВЧИСИ

Шундай эътирофга сазовор бўлган корхонани биласизми?



— Натижада ўнлаб иш ўринлари яратилди, қатор ижтимоий масалаларга ечим топилди, — дейди "Кнауф гипс Бухоро" хорижий корхонаси бош директори Дмитрий Дерипалко. — Биргина 2018 йилда Ўзбекистон бозорига 24,5 миллион квадрат метр қопламалар, 88 минг тонна қуруқ қурилиш аралашмаси сотилди. Туркманис-

тон, Қозғистон ва Афғонистонга 3,4 миллион квадрат метр қоплама экспорт қилинди. Корхонада ўтган йили юқори сифатли гипсокартон ишлаб чиқарувчи модернизациялашган линия фойдаланишга топширилди. Бу Германия ва Ўзбекистон ўртасидаги алоқалар ривожига яна бир мисолдир. Қиймати 22 миллион АКШ долларини ташкил қилувчи ушбу лойиҳа туфайли қоплама

тайёрлаш имконияти 30 фоиз ошди.

Қайд этиш жоизки, компания таълим лойиҳаларига, турли акцияларга ҳам алоҳида эътибор қаратмоқда. Тошкент, Самарқанд, Бухоро шаҳарларида "Кнауф"нинг ўқув ва маслаҳат марказлари очилган. Марғилон қурилиш касб-хунар коллежи базасида 2015 йилдан буён ресурс маркази фаолият кўрсатмоқда. Мамлакатимиз турли минтақаларидаги 15 та касб-хунар коллежида шу компания қурилиш материалларини ишлаши махсус дастур асосида ўргатилмоқда. Ўтган йили "Кнауф гипс Бухоро" "DaVinci Management Consulting" компанияси томонидан таъсис этилган нуфузли танловда санат соҳасида "Ўзбекистоннинг энг яхши иш берувчиси" деб топилгани ҳам бежиз эмас.

Компания томонидан ўтказилган экологик акция эса ўзига хослиги билан эътиборга тушди. Гап шундаки, Қоровулбозорга элтуви йўл ёқалаб чиқиндиларни ташлашга мўлжалланган чиройли дизайндаги контейнерлар ўрнатилди. Булар ҳали ҳаммаси эмас.

— Компания раҳбарияти ташаббуси билан марказимиз аъзолари фарзандлари ўртасида "Орзуимиздаги уй" расмлар танлови ўтказилди, — дейди Ўзбекистон немислари Бухоро маданий маркази раҳбари Л. Штирценбеер. — Бу каби тадбирлар болаларимизнинг ўзлари туғилиб ўсаётган юртга нисбатан меҳр-мухаббатини кучайтиради, улар ўртасидаги дўстлик, бағрикенглик, ахиллик ришталарини мустаҳкамлайди. Қобилиятларини юзга чиқаради.

Компания раҳбариятининг бу каби кенг қамровли ишлари эл-юрт назарига тушди. Ўтган йил Мустақиллик байрами арафасида Президентимиз Фармонига мувофиқ, оилавий бизнес давомчиси Николаус Вильгельм Кнауф мамлакатимизда қурилиш маҳсулотлари ишлаб чиқариш, соҳага илгор замонавий технологияларни қўллаш, йирик хорижий сармояларни жалб этишдаги фаол иштироки, Ўзбекистон ва Германия ўртасида ўзаро манфаатли алоқаларни мустаҳкамлашдаги катта хизматлари учун "Дўстлик" ордени билан тақдирланди.

"Кнауф гипс Бухоро" хорижий корхонаси томонидан биргина 2018 йилда Ўзбекистон бозорига 24,5 миллион квадрат метр қопламалар, 88 минг тонна қуруқ қурилиш аралашмаси сотилди. Туркманистон, Қозғистон ва Афғонистонга 3,4 миллион квадрат метр қоплама экспорт қилинди.

Дарвоқе, компания Ўзбекистонда янги бизнес лойиҳаларини амалга оширишни режалаштирган. Жумладан, "Бухорогипс" қуввати икки баравар оширилади. Фарғона шаҳрида эса янги завод барпо этилади. Хар иккала лойиҳани рўйга чиқариш учун киритилмайдиган инвестиция миқдори 12,2 миллион еврони ташкил қилади.

Истам ИБРОҲИМОВ, «Халқ сўзи» муҳбири.

Frankfurter Rundschau

Таҳлилий шарҳлар берилганга иқтисодлаштирилган "Frankfurter Rundschau" газетасида мамлакатимизда мажбурий меҳнатга барҳам берилганига бағишланган мақола эълон қилинди. Унда Ўзбекистон бандлик ва меҳнат муносабатлари вазирлиги Шерзод Кудбиевнинг бу жаҳда олиб борилаётган ишлар ҳақидаги интервьюси ҳам келтирилади.

раёнида турибди, — дейди мақола муаллифи Феликс Лилл. — Шавкат Мирзиёев Президентлик лавозимини эгаллаганидан сўнг мамлакат бўйлаб хайратланарли даражада янги эпкин эса бошлади. Айни пайтда сиёсий ва иқтисодий ислохотлар давом этмоқда. Ҳар бир ҳудудда барча аҳоли юқори кайфиятда, уларда ишонч ҳисси ортаган.

Газетада айтилишича, мажбурий меҳнат муаммоси узоқ йиллар давомида барчани қийнаб келган. Ўзбекистон раҳбарининг сайё-харакати туфайли бунга чек қўйилди.

Президент турли вазирликлар раҳбар лавозимлариغا ёшларни олиб келди. Қўшни давлатлар билан чегаралар очилди, оммавий ахборот воситалари мустақил бўлиши ва иқтисодиёт эркинлаштирилиши учун ишлар изчил давом эттириляпти. Айниқса, Ўзбекистоннинг обрўсига зарар етказган омил — мажбурий меҳнатнинг чуқур илдиз отган амалиётини воз кечиди".

"Ўзбекистон Марказий Осиёда 33 миллион аҳолисига эга энг катта мамлакат ҳисобланади ва айти пайтда юксак ривожланиш жа-

DER TAGESSPIEGEL

Берлиндаги йирик кундалик нашр — "Der Tagesspiegel" газетасида "Ўзбекистон ислохотларда олдинга қадам ташлапти" сарлавхали мақола берилди. Журналистларнинг ёзишича, "Ўзбекистон шу кунларда ўзини қайта кашф этмоқда". Мамлакат Марказий Осиё минтақа-

сида Германиянинг энг муҳим савдо шериги саналади. 2017 йилда Германия ва Ўзбекистон ўртасидаги савдо ҳажми 32 фоиз ошди, 2018 йилда эса яна 15 фоиз ўсиш кузатилди.

Анвар МИРЗАЕВ («Халқ сўзи») тайёрлади.

МИЛЛИЙ МАҚОМ САНЪАТИ ФИДОЙИСИГА ПРЕЗИДЕНТ СОВҒАСИ — ЯНГИ ХОНАДОН КАЛИТИ ТОПШИРИЛДИ



Дарҳақиқат, Элмурод Боймуродов 2014 йилга қадар, қарийб 45 йил давомида Қори Зокир Содиқов номидаги Шаҳрисабз шаҳар халқ театрида режиссёр бўлиб ишлади. Шу билан бирга, у 1972 йилдаёқ Шаҳрисабзда мақом ансамблини ташкил қилиб, унга ёш истеъодларни излаб-топиб, жалб этиб келди.



Хозирги кунда Шаҳрисабздаги "Бахтли болалик" болалар мақом ансамблига раҳбарлик қилиб келаётган устоз санъаткор бундан кейин ҳам ғайрат-

шижоат билан меҳнат қилишини билдирди.

Дано ТОҒАЕВА («Халқ сўзи»).



Маҳаллий Кенгашларда

СУКУТ — ЛОҚАЙДЛИК АЛОМАТИ

Депутатлар сессияда фақат қўл кўтариб маъқуллашдан нарига ўтишмади.

Адолатли гапни айтиш керак, сессияни халқ депутатлари Бекобод тумани Кенгаши депутати Нурали Жалилов очди ва якунлади. Сенат аъзолари иштирок этган тадбирда туман ҳокими, туман идора раҳбарлари, Тошкент вилояти ҳамда республикадан келган мутасаддилар гапирди. Фақатгина туман Кенгаши депутатлари жим ўтиришди.

талаб ва оғир шароитда яшаётган 271 оила бор. Туманда 8 та маҳалла оғир ҳудуд, деб белгиланган. Масалан, "Ёшлик-2" маҳалла фуқаролар йиғинида мактабгача таълим муассасаси мавжуд эмас. 6,8 километр узунликдаги туман маркази билан боғловчи йўл таъмирталаб аҳволда. Маҳалланинг Оккум, Аҳмад Яссавий, Иқбол кўчалари

аҳолиси ичимлик суви билан таъминланмаган. "Деҳқонобод" маҳалла фуқаролар йиғини туман марказидан 40 километр узоқликда чегара ҳудудда жойлашган. Бу ерда мобил телефон алоқаси ишламайди. Айрим ички кўчаларга ҳаттоки шағал ҳам ётқизилмаган. Ёгингарчилик мавсумида бу ерлар лой, ёзда эса чанг-тўзонга айланади. Бу ерда аҳолига транс-

порт хизмати кўрсатишда ҳам муаммолар бор: туман марказига бир донагина автобус қатнамоқда, холос.

Мана шундай фикрларни Пахтакор, Сарюз, Бирдамлик, Қолғонсир, Истиқлол, Янги ҳаёт маҳаллалари ҳақида ҳам айтиш мумкин. Сессияда тумандаги кўп қаватли уйлارнинг аҳоли ҳақида кўпини гапирди. Ҳудудда 63 та кўп қаватли уй бўлиб, уларнинг 15 таси таъмирга муҳтож. 53 та уйнинг канализация тармоғи йўқ, 59 та уйнинг эса иситиш тизими ишламайди, 4 та уйнинг томи яроқсиз аҳволда, ундан чакка ўтиб турибди.

ли беихтиёр ёдга тушади. Таклиф берилгандан сўнг унинг ижросини ҳам назорат қилиш керак, бизнингча. Аммо бу борада депутатлик сўрови, жамоатчилик назорати каби таъсирчан воситалардан умуман фойдаланилмаган.

Халқ таълими соҳасидаги камчилик ва муаммолар ҳам йиғилиш иштирокчиларининг диққат марказида бўлди. Тумандаги мавжуд 57 та умумтаълим мактабининг 18 таси спорт заллари мавжуд эмас, 13 та умумтаълим мактабининг атрофи ўралмаган. Мактабларда бошланғич ва юқори синф ўқувчилари учун парталар етишмаслиги ҳоллари аниқланган. Учта умумтаълим мактаби эса ичимлик суви билан таъминланмаган, 6 та мактаб мукамал таъмирга муҳтож. Энг ажабланишлики шундаки, 17-мактаб биносининг қурилиши 2005 йилда бошланган. Орадан шунча йил ўтиб, у ҳануз ниятсизга етказилмади. Ўқувчилар, ўқув қуроллари, техника воситалари етишмовчилиги билан боғлиқ қатор муаммолар бор.

Халқ депутатлари Бекобод тумани Кенгашининг сессиясида депутатлар гўё ҳеч нарса бўлмагандек йиғилиш қарорини тасдиқлаб беришди, холос.

Кун тартибидеги масала юзасидан халқ депутатлари Бўка тумани Кенгашининг сессияси ҳам бўлиб ўтди.

Раҳматилла ШЕРАЛИЕВ, «Халқ сўзи» муҳбири.

Ўрганиш давомида жами 25 мингдан ортиқ муаммолар аниқланган

- Биринчи секторда — 3 минг 203 та
• Иккинчи секторда — 7 минг 710 та
• Учинчи секторда — 11 минг 891 та
• Тўртинчи секторда — 2 минг 202 та

Жами муаммоларнинг:

- 9,5 мингдан ортиғи кўча ва йўлларни таъмирлаш,
5 минг 100 таси ичимлик суви,
4 минг 700 таси электр энергия таъминоти билан боғлиқ,
301 оила уй-жойга муҳтож,
271 оиланинг уй-жойи таъмирталаб ва оғир шароитда яшайди.

Уларнинг ечимини ҳақида бирор депутат ўз муносабатини билдирмади.



этилмоқда. Ушбу муҳим стратегик иншоотда қазиб олинажак газ ўрини суви билан тўлдириш учун ҳам мазкур суви омборидан фойдаланиш кўзда тутилмоқда.

Кўриндики, давлатимиз раҳбари 2018 йилда мазкур қурилишни ниятсизга етказиш кераклиги борадади узоқни кўзлаб топшириқ берган эди.

Аммо йил адоғига етиб, янги йилнинг бир неча ҳафтаси ўтиб кетди ҳамки, Президент топшириғи бажарилмади. Нега? Лойиҳа қиймати 39 миллиард сўмини ташкил этадиган иншоот қурилишига ўтган йилнинг август ойидан то йил якунига қадар 11 миллиард сўм ажратилган, холос. Қурилиш ишларининг бориши ва иш суръати, асосан, молиявий таъминот билан боғлиқ, албатта. Суви хўжалиғи вазирлиғи иншоот қурилишига жиддий эътибор қаратганида белгиланган юмушлар аллақачон якунланган бўларди. Бунинг учун ишчи кучи ҳам, техникалар ҳам етарли. Жумладан, иншоот қурилишига 40 га яқин техникалар, 70 нафардан зиёд ишчи-ҳодимлар сафарбар этилган.

Бирок жорий йил январь ойининг биринчи ўн кунлиги ҳам молиялаштириш ишларини қутуш билан ўтди. Демак, маблағ бўлмагач, на ишчига дармон, на техникага жон қиради.

Илхом РАҲМАТОВ, «Халқ сўзи» муҳбири. (Муаллиф олган сурат).

Инсон қадри «ЭНДИ ҚИЗИМ ЁНИГА БОРА ОЛАМАН»

Яқинда телефон жиринглаб қолди. Гушаки кўтардим. — Сиз Соҳиба Абдурахмоновасиз? — Ҳа. — Паспортингиз тайёр, олиб кетишингиз мумкин. Узимни қўярга жой тополмай қолдим. Бу мен учун узоқ кутилган кун эди. Қўшни Қирғизистон Республикасида туғилиб ўсганман. 1990 йида Тошкент давлат университети (УЗМУ)нинг журналистика факультетига ўқишга кирдим, тахсил олдим. Ўқини битириб, шу ерда ишлаб қолдим. Бу юрда уйли, оилали бўлдим. Беш фарзандни тарбияладим. Катта қизим Фаргона политехника институтининг ўқиткичи. Иккинчи қизим Германиянинг Виадриа университетида таълим олмакда. Мен бахтлиман. Аммо қабиланинг бир четида кемтик борай эди. У ҳам тўғиди. Энди Ўзбекистон Республикаси фуқароси сифатида она қишлоғимга, хориждаги қизим ёнига бемалол бора оламан. Уларга юртимиздаги ўзгаришлар ҳақида ўз кўзим билан кўрганларимни сўзлаб бераман.

Соҳиба АБДУРАХМОНОВА. Фаргона шаҳри

ИМТИЁЗЛИ ТАВСИЯНОМАЛАРГА МУНОСИБЛАР

ТЕСТ СИНОВЛАРИ ОРҚАЛИ АНИҚЛанади



Куролли Қучларимизда муддатли ҳарбий хизматни ўтаётган аскарлар олий таълим муассасаларига ўқишга киришда қўшимча балл берадиган имтиёзли тавсияномаларни қўлга киритиш учун айни кунларда тест синовлари топширишмоқда. Бу жараён 25 январьга давом этади. Тест синовлари Ўзбекистон Республикаси Вази́рлар Маҳкамаси ҳузуридаги Давлат тест маркази томонидан олинган.

Имконият

Масалан, пойтахтимизда ўз бурчини ўтаётган аскарлар учун синовлар Тошкент давлат аграр университети ўқув биносида ташкил этилди. Унинг натижаларига кўра, юқори балл

тўплаган, интеллектуал салоҳияти, жанговар маҳорати юксак посбонлар имтиёзли тавсияномаларга эга бўлади. Ана шу тавсияномадан фойдаланиб, йигитлар республикамизнинг

барча олий таълим муассасаларига ўқишга киришда ўзи тўплаган баллнинг 50 фоизи миқдорига қўшимча балл олади.

Жами саволлар 100 та бўлиб, физика, математика ва мантиқий саволларга тўғри жавоб топганлиги учун 1 баллдан, маънавий-маърифий тайёргарликдан 1,1 ва жанговар тайёргарликка оид саволларга жавоблар учун 1,2 баллдан қўшилади. Тест жараёнига 3 соат вақт ажратилади.

Синовларнинг ҳаққонийлиги ва шаффоқлигини таъминлаш мақсадида аудиториялар техник кузатув ҳамда видеотасвирга олиш воситалари билан жиҳозланган.

Айтиш жоизки, Президентимизнинг 2019 йил 17 январдаги «2017 — 2019 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини «Фаол инвестициялар ва ижтимоий ривожланиш йили»да амалга оширишга оид Давлат дастури тўғрисида»ги Фармонида мувофиқ, 2019/2020 ўқув йилидан бошлаб, муддатли ҳарбий хизматни ўтаган ва ҳарбий қисмлар кўмондонлигининг тавсияномасига эга шахслардан иборат абитуриентлар учун олий таълим муассасаларига ўқишга киришда ушбу шахслар ўртасида ўтказиладиган танлов асосида алоҳида квоталар ажратиш тартиби киритилади.

Тимур НАРЗИЕВ.

Назорат

ПРОФЕССИОНАЛ ФУТБОЛ ЛИГАСИ ХОДИМИ ПОРА БИЛАН ҚЎЛГА ОЛИНДИ



Бугун оммавий ахборот воситалари ва ижтимоий тармоқларда коррупциянинг олдини олиш, унга қарши биргалликда курашишга оид турли чиқишлар уюштирилмоқда. Бироқ тарғибот тадбирларидан неғадир тўғри хулоса чиқармай, ўз билганидан қолмаётган фуқаролар ҳам учрамоқда.

Буни Ўзбекистон Республикаси Бош прокуратураси ҳузуридаги Иқтисодий жиноятларга қарши курашиш департаменти ходимлари томонидан фош этилган қўйидаги жиноятлар ҳам тасдиқлади.

Яқинда Департаментнинг Сергели тумани бўлими ходимлари томонидан ўтказилган тезкор тадбир давомида Ўзбекистон профессионал футбол лигаси (ПФЛ) етакчи мутахассиси Р. К. Ғиждудон тумани «Иттифок» футбол жамоаси директори Ж. М.дан 1 500 АҚШ доллари олаётган вақтда қўлга тушган.

Ғап шундаки, фуқаро Р. К. ушбу футбол жамоасининг Про-Лига «Б» гуруҳида иштирок этиш учун лицензия олишда ёрдам беришини айтиб, бунинг эвазига Ж. М.дан 2 500 АҚШ доллари талаб қилган ва ушбу поранинг бир қисмини чўнтагига «ураётган» пайтда ашёвий далиллар билан ушланган.

«СОВАЛТ»НИНГ «ШАПКА»СИ ҚИММАТГА ТУШДИ

Департаментнинг Жарқўрғон тумани бўлими ходимлари ҳам яна бир коррупция илдизига болта уришди.

Воқеа шундай кечди: фуқаро З. К. фуқаро О.га автосалонда ишлайдиган танишлари борлиги ва улар орқали автомобилни наватсиз олиб бериш қўлидан келишини маълум қилди. Албатта, текинга эмас.

Ўтказилган тезкор тадбир натижасида фуқаро З. К. фуқаро О.дан «Chevrolet Cobalt» русумли автомашинани наватсиз «чиқариб бериш»

эвазига 400 АҚШ долларини олган вақтда ашёвий далиллар билан қўлга тушади.

Дарвоқе, тадбир давомида ушланган фуқаро З. К.нинг ёнида 17 850 АҚШ доллари ҳамда 773 000 сўм пул борлиги аниқланган. Мазкур ҳолат юзасидан ундан изоҳ сўралганда, 17 850 АҚШ долларини Жарқўрғон тумани деҳқон бозори атрофида ноқонуний валюта олди-сотдиси билан шу-

ғулланувчи нотаниш шахслардан ҳар бир АҚШ долларини 8 350 сўмдан ҳисоблаб, кейинчалик қайта сотиш мақсадида сотиб олганлигини билдирган.

Ҳеч шубҳасиз, ҳар қандай қонунбузарлик жазосиз қолмайди. Ушбу ҳолат юзасидан фуқаро З. К.га нисбатан Жиноят кодексининг тегишли моддалари билан жиноят иши қўзғатилиб, тергов ҳаракатлари ўтказилмоқда.

Раҳим ШЕРҚУЛОВ («Халқ сўзи») тайёрлади.

ТОШКЕНТ ВРАЧЛАР МАЛАКАСИНИ ОШИРИШ ИНСТИТУТИ ҚУЙИДАГИ КАФЕДРАЛАР БЎЙИЧА ТАНЛОВ ЭЪЛОН ҚИЛАДИ:

- 1. 2-Акушерлик ва гинекология кафедраси: ассистент.
2. Шошилич тиббий ёрдам кафедраси: доцент, ассистент.
3. Болалик даври юқумли ва паразитар касалликлари кафедраси: ассистент.
4. Нефрология, гемодиализ ва буйрак трансплантацияси кафедраси: кафедра мудири, ассистент, ўқитувчи-стажёр.
5. Педиатрияда анестезиология ва интенсив терапия кафедраси: ўқитувчи-стажёр.
6. Стоматология, болалар стоматологияси ва ортодонтияси кафедраси: ўқитувчи-стажёр, доцент.
7. Неонатология кафедраси: ўқитувчи-стажёр.
8. Педиатрия кафедраси: доцент.
9. Ультратовуш диагностика кафедраси: кафедра мудири.
10. ВИЧ инфекция муаммолари курси: ўқитувчи-стажёр.
11. Патанатомия ва суд-тиббий экспертизаси кафедраси: кафедра мудири, доцент.
12. Гигиена кафедраси: доцент.
13. Нейрохирургия кафедраси: ўқитувчи-стажёр, ассистент.
14. Халқ таъбири ва нейрореабилитация кафедраси: ассистент.
15. Оториноларингология кафедраси: ассистент.
16. Урология ва андрология кафедраси: ассистент.
17. Клиник фармакология кафедраси: ассистент.
18. Болалар асаб касалликлари кафедраси: ассистент.
19. Клиник лаборатор диагностика кафедраси: ўқитувчи-стажёр.
20. Умумий амалиёт врачлари малакасини ошириш кафедраси: ассистент, катта ўқитувчи.
21. Психиатрия ва психотерапия кафедраси: доцент.
22. Хирургик стоматология кафедраси: ўқитувчи-стажёр.
23. Эндокринология кафедраси: ўқитувчи-стажёр.
24. Онкология кафедраси: ассистент.
25. Дерматовенерология ва косметология кафедраси: ассистент.

Мурожаат учун манзил: Тошкент шаҳри, Мирзо Улуғбек тумани, Паркент кўчаси, 51-уй. Тел.: 71-267-60-74.

РЕКЛАМА ВА ЭЪЛОНЛАР

ПРОФНАСТИЛ
ИШЛАБ ЧИҚАРУВЧИ қуйидаги маҳсулотларни тақдим этади:
ГАЛЬВАНИЗАЦИЯЛАНГАН ВА ПОЛИМЕР ҚОПЛАМАЛИ ПРОФИЛАНГАН ЛИСТ
гофраси баландлиги: С-17, С-18, Н-35, Н-57.
Профнастил учун материал сифатида ролондан кесилган гальванизацияланган ва полимер маҳсулотдан фойдаланилади.
Россия Федерацияси металлургия комбинатларида ишлаб чиқарилган.
ГАЛЬВАНИЗАЦИЯЛАНГАН ПРОФНАСТИЛ
• 0,4 мм. — 42 000 сўм/п.м. • 0,5 мм. — 50 000 сўм/п.м.
• 0,45 мм. — 45 500 сўм/п.м. • 0,7 мм. — 70 500 сўм/п.м.
ПОЛИМЕР ҚОПЛАМАЛИ ПРОФНАСТИЛ
• RAL 3005,6005,8017 0,45 мм. — 55 000 сўм/п.м.
• RAL 3005,6005,8017 0,5 мм. — 60 000 сўм/п.м.
Тел.: 95-475-00-65, 95-197-00-93, 99-871-88-99.

Таниқли қон томирлари жарроҳи Жайсом Чопрэ энди Тошкентда
Ўзбекистон Республикаси Президентининг 2017 йил 1 апрелдаги «Соғлиқни сақлаш соҳасида хусусий секторни янада ривожлантириш чора-тадбирлари тўғрисида»-ги ва 2018 йил 7 ноябрдаги «Ўзбекистон Республикаси ҳудудида хорижий давлатларнинг малакали мутахассислари томонидан меҳнат фаолиятини амалга ошириши учун қулай шарт-шароитлар яратиш чора-тадбирлари тўғрисида»-ги қарорларида соҳада хусусий секторни янада ривожлантиришга ҳар томонлама қўмаклашишни кучайтириш, чет эл сармоялари ва тажрибасини киритиш, хизматлар сифатини ўстириш, мамлакатимизнинг инвестициявий жозибадорлигини ошириш ҳамда уни мутлақо янги поғонага кўтариш ва рақобатдош меҳнат ресурсларини жалб этишни рағбатлантириш мақсад қилинган.
Ушбу қарорларга ҳамроҳанг равишда ўтган йили май ойидан иш олиб бораётган «Unimed Consult» МЧЖ Осиёда ўз мавқеига эга Ҳиндистоннинг етакчи тиббий компанияларидан бири — «Apollo Hospitals»нинг Ўзбекистондаги расмий ахборот маркази сифатида фаолият кўрсатмоқда. Айтиш жоизки, «Unimed Consult» МЧЖ расмий ахборот маркази Ҳиндистоннинг етакчи шифокорларини Ўзбекистонга жалб этган ҳолда, Тошкент шаҳридаги «EZGU NIYAT» кўптармоқли тиббий маркази билан ҳамкорликда турли йўналишлардаги жарроҳлик амалиётларини йўлга қўймоқда. Бунинг афзалликлари шундаки, бундан буён мамлакатимиз фуқаролари хорижга боришлари шарт бўлмайдими. Боиси бундай амалиётларнинг юртимизда амалга оширилиши беморлар учун икки хисса фойдали — аввало, ўз юртимизда даволанади, иккинчидан, ортиқча харажатга ўрин қолмайди. Шунингдек, Ҳиндистонлик мутахассисларнинг билим ва кўникмаларидан унумли фойдаланган ҳолда, маҳаллий шифокорларимиз ҳам ўз тажриба ва малакаларини оширилади.
Шундай ишларнинг дебачаси сифатида жорий йил 26 январь куни «Unimed Consult» МЧЖ, яъни «Apollo Hospitals» тиббий компаниясининг расмий ахборот маркази «EZGU NIYAT» кўп тармоқли тиббий марказига Ҳиндистоннинг етакчи қон томирлари жарроҳи, доктор Жайсом Чопрэ тақлиф қилинган.
У мамлакатимиз аҳолисига бепул консултация лойиҳасини ташкил этиб беради. Ушбу лойиҳа асосида тиббий қўриқдан ўтган беморларга шифокор хулосасига кўра, жарроҳлик амалиёти пойтахтимиздаги замонавий ва Европа стандартларига тўлиқ жавоб берадиган «EZGU NIYAT» кўп тармоқли тиббий марказида амалга оширилади.
Кўшимча маълумотлар: 94-667-66-66, 71-279-66-69.

«FPI DELIVERY SERVIS» МЧЖ
боғ қатор оралари, иссиқхона, томорқа ерларига ишлов беришга ва хашак ўришга мўлжалланган илҳам, қулай ҳамда камхаражатли мотокультиваторларни ва «LIUGONG» русумли экскаватор ҳамда бульдозерлар учун эҳтиёт қисмларни тавсия қилади.
«TIGUAN» русумли мотокультиваторлар 6, 9 ва 13 от кучига эга.
Дизель ҳамда бензин ёнилғисидан ишлайди.
Маҳсулотлар сертификатланган.
Манзил: Тошкент шаҳри, Юнусобод тумани, Боғишамол кўчаси, 8-уй. Мўлжал: Юнусобод тумани 1-сонли давлат нотариал идораси.
Маълумот учун телефонлар: 90-986-80-68, 90-968-56-77, 90-989-09-62, 71-234-35-71.
www.motoblok.uz

QISHLOQQURILISHBANK
«QQB-mobile» иловаси билан барча тўловлар осон!
78-150-93-39.
www.qqb.uz
Фуқароларнинг ўзини ўзи бошқариш органлари фаолиятини мувофиқлаштириш бўйича Республика кенгаши Кенгаш раиси ўринбосари Ботир Парпиевга онаси ЮЛДУЗХОН аянинг вафоти муносабати билан чуқур таъзия изҳор этади.
Ислом Каримов номидаги Тошкент давлат техника университети жамоаси Фалсафа ва миллий ғоя кафедраси катта ўқитувчиси Зулайхо БОЙМУРДОВАнинг вафоти муносабати билан марҳумнинг оила аъзолари ва яқинларига чуқур таъзия изҳор этади.

Халқ сўзи Народное слово
Бош муҳаррир Ўткир РАҲМАТОВ
2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 156. 60 229 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нархда.
Телефонлар: Девонхона 71-233-52-55; Котибият 71-233-10-28; Эълонлар 71-232-11-15.
МАНЗИЛИМИЗ: 100000, Тошкент шаҳри, Матбуотчилар кўчаси, 32-уй.
Набатчи муҳаррир — З. Ашурова.
Набатчи — Д. Каримов.
Мусаҳҳих — С. Исломов.
«Шарқ» нашриёт-матбаа акциядорлик компанияси босмахонаси. Корхона манзили: «Буюк Турон» кўчаси, 41. ЎзА якуни — 03.05 Топширилди — 03.25 1 2 3 4 5 6